

Conspiciendi Euae Battigons Wolf. Hamb. 1. *Conspiciendi*
 14. C. Apoc. 2. *Conspiciendi* *Conspiciendi*
Anna postorin W. Hamb. N. 68
Anna Guatorin M. Bal. Kisu. givis. m. 6
 25. Epilog. *Anna Guatorin*
Eka Ulrichs M. W. Hamb. N. 73. *Anna Guatorin*
Laurentij Casmans M. W. A. N. 17. *Anna Guatorin*
D. Johannis majors M. W. A. N. 12
B. Hieronimi Vossmans W. H. N. 57
B. Ambrosii Wagnitz W. A. N. 3. *Anna Guatorin*
M. Nicolai Kindii W. A. N. 7.
Loventis Bicho W. A. N. 13.
Jacobi Georgij W. A. N. 121.
Margarothae Kindin W. A. N. 20
Lucas von mudi W. A. N. 25. *Anna Guatorin*
Anna Guatorin

EX LIBRIS
 ILLUSTRISSIMI VIRI,
 DN. DAN. LVDOLPHI,
 LIB. BAR. de DANCKELMANN,
 S. REG. MAI. BORVSS. CONSILIARII
 STATUS INTIMI, cetera,
 BIBLIOTHECÆ ACAD. FRIDERICIANÆ
 TESTAMENTO RELICTIS.


+

Dec-10



Handwritten notes in the left margin, including the number '2' and some illegible characters.





1

Christliche
Trostvermanung / aus dem XIII.
Cap. der Offenbarung Johannis /
Ben dem Begrebnis /

Weiland der Erbarn / vnd Zu-
gensamen Fräwen HEVA / des Achebarn
vnd Wolgelarten Ern M. Johannis Bottichers /
der Stad Zerbst Syndici / geliebten /
Gottseligen Haus Ehren.

Geschehen in der Pfarckirchen
dasselbst / zu S. Niclas / den XXIII. No-
vemb. Anno CHRISTI,
1 5 7 3.

Durch
M. Wolphgangum Amlingum /
Pfarherr des orts.

Witteberg /
Gedruckt durch Lorenz
Schwenck.

M. D. LXXIIII.

Geometrie

Erstausgabe von Christian Wolff
Halle 1714

Erstausgabe von Christian Wolff
Halle 1714

KÖNIGL. FR.
UNIVERS.
ZU HALLE

Geometrie

Erstausgabe von Christian Wolff
Halle 1714

M. D. C. C. X. I. I.



Leichpredigt.

Ndecktliche Christen/ ge-
liebten im HErrn/ der All-
mechtige / ewige / helffreiche
Gott/ vnd Vater vnsers aller-
liebsten HErrn Ihesu Chris-
ti/ hat abermals eine aus vns-
ern Christlichen Mitschwestern / Nemlich die
Erbare / Egentzame Fraw HEVAM / des
Achtbarn HErrn M. Johannis Bottichers/
Syndici allhier / weiland hertzliche Hans Ehr/
so des Ehrwürdigen / Dochgelarten / Ern Be-
orgij Maioris / der heiligen Schrift Doctoris
vnd Professoris zu Wittenberg / Eheleibliche
Tochter war / vnd nu mehr vnter die Kinder/
vnd Töchter Gottes / vollkömlich vffgenommen
ist / durch den zeitlichen natürlichen Tod / in
warer bestendiger erkantnus / bekentnus / vnd
anruffung ires / vnd vnsers getrewen lieben
Hauptes / HErrn / Mitbruders / vnd Weilands
Ihesu Christi / aus diesem elendē / hochbetrü-
ben Jamerleben / vnd Zehrenthal / in grosser ge-
dult zu sich in die ewige / immerwerende Freu-
de / vnd seligkeit abgefoddert / darin sie nu
mehr / von allen iren schmerzen / mühe vnd ar-
beit / erledigt / vnd gnediglich von Gott entbun-
den / on auffhörē / in vnd mit Christo / sich sampt
allen heiligen Engeln / vnd lieben Auserwel-
ten / alles dieses zeitlichen leides / angst vnd be-
kummernis / in ewigen freuden sich erholet.

A ij

DJs

Das ginnen wir nicht allein jr von hertzen/ in warer danckbarkeit gegen Gott / Sondern bitten auch semplich/ vnd sonderlich/ von grund vnfers hertzens/ der getrewe Barmhertzige Vater im Himel/wolle auch vns gnediglich bekeren / vnd mit seinem heiligen Geist gleichfalls/ wenn vnser Sterbstündlin kompt/ krefftiglich beseligen/vnd also in gnaden / vmb seines liebsten einigen SONS Ihesu Christi willen/ zu sich in das Himlische/ewige/rechte Vaterland auffnehmen/ Amen.

Wiewol wir aber nu billich / als Christen/ in solcher vorstehenden / hochtröstlichen/ vnfeilbaren hoffnung/ ob vnfern lieben abgescheidenen Blutsverwandten / vnd Mitgelidmassen in Christo / alle Ursach zu trawren solten ausschlahen / vnd nur zur Christlichen Dancksagung vnd Gebet/dadurch vns reitzen lassen/ So ist doch das Menschliche hertz/ zu mitleiden dermassen geschaffen / das es ehe in tausent stück zerspringen müste (wie auch der allerheiligsten/ Ja beim Grab Lazari/ des SONS Gottes selbs eigen Exempel ausweist:) Denn das sichs alles trawrens / klagen vnd seufftzens/köndte oder möchte erwehren/Sonderlich in fellen / do nicht allein den verlebten Eltern / ire geliebte Sone vnd Töchter / in blühender Jugend/glücklicher Haushaltung/ ziemlicher wolfart/ danon sie nu mehr jres alters Christliche ergetzung haben solten / vnzeitlich/ wie es fur der vernunfft scheint / vnd fur jnen/ gleich wider die Ordnung der Natur/ viel

*Cor hōis ad commiso-
rōem pōnunt
facilius rumpitur*

*quam expertis esse
omnis hōis*

*praesertim si liberū
aut parentes*

viel zu frühe abgehen: Sondern auch / welches
noch schmerzlicher / wenn einem hochbe-
trübten Hauswirt sein hertzliebste Gemahl /
mit hinderlassung vier Kleiner vnerzogenen
Weislin / die irer geliebsten / trewen Mutter-
zucht / Menschlicher weise zu reden / itzt aller
erst am nötigsten bedürfften / von der seiten ge-
rissen wird.

DIs vnaussprechliche hertzenleid hat
der alte Christliche Lehrer Basilius Magnus /
etwa Bischoff zu Caesarea / in seiner schönen Pre-
digt von der Merterin Julitta (mit welcher^{1. Thes. 5.}
Exempel er beweiset / das ein Christ sol / vnd
kan auch mitten im Creutz Gott dancken:)
mit einem wort $\Delta\iota\chi\omicron\sigma\omicron\mu\iota\alpha\pi$ genant / Als wenn
man eines Menschen hertz / mit einem scharffen
zweyschneidigten Schwert mitten in zwey
stück zerteilet / vnd deren eines / vnd halb / in das
frische liebe Erdreich verscharret / das ander
aber also vnverbunden / im Leib haften lies / bis
sichs taub verblutet / vnd endlich nach viel steh-
nen / sehnen / vnd langer zeit mit einer Narben
vberzogen würde / welche doch so zart / das sie
leichtlich alle augenblick widerumb recrudescirt,
vnd wegen steter bewegung des hertzen vff-
breche / etc.

DIs achten vnerfarne Leute für hoch-
trabende wort / vnd hyperbolas / Wer es aber er-
fahren hat / der bekennet das alle wort zu gering
sind / diesen schmerzen darzuthun / allermeist
aber die jenigen / in welchen hertzliche liebe / vnd
gute neigung am aller meisten die hertzen ein-
genommen.

A iij

ES

St. Coniugij

Hoc Basilius Magnus

Julitta Martyr

Διχότομιαν

Lucus modum habent.

Sap. 4.

Eph. 3.

Sachar. 9.

Es mus aber dennoch auch das trawaren bey den Christen sein maß haben / Denn wir Gottes gnedigen / wolmeinenden willen vber vns / wie wir auch teglich bitten / **H**err / dein wil geschehe / mit gebürlichem / demütigen gehorsam vnser hertzens / allzeit walten zu lassen schuldig sind / Drumb er / zweiuels one / allein wol weis / wenn / wo / vnd wie es mit einem jeden seiner gesegneten Himels Erben am besten ist / Darzu wissen wir aus dem Buch der Weisheit / Cap. 4. das der Christen Klugheit ist das rechte grawe Daar / vnd jr vnbeslecktes leben / ist das rechte Ehren alter / wie wenig auch der Jhar sind dieses kurtzens Lebens / Vber dis weil Gott der rechte einige Vater ist / vber alles / was Kinder heisst / im Himel / vnd auff Erden / wie auch vnser heiliges Vater vnser ausweist / so werden jm gewislich die arme hinderlassen Waislin / so wol / als jr Gottselige Mutter / vnd wir alle / die wir Christum angezogen / als dem ewigen Himelischen Erzvater / der sie so thewer durch das Blut des Bundes seines einigen Sons erarnet / so viel hertzlicher / angelegener / vnd lieber sein / den sie beider seit jren / noch wir den vnsern / natürlichen leiblichen Eltern jmermehr sein können oder mögen / Ja so viel höher Gott / der die Lieb selbs ist / alle eingepflantzte affection im Menschlichen hertzen / so von jm herfließen / vbertrifft.

Es ist endlich auch daran kein zweifel / das der getrewe Gott / nach seiner vnendlichen
Weis

Weisheit / von seinen Christen in dem betrib-
ten Widwestand / nicht weniger / als in Ehren /
vnd freuden wil geehret / geliebt / vnd gehorsam
geleistet haben / Darumb dann er auch selbs
seine allerliebste Freunde / mit diesem harten
Creutz vff Erden beleget hat / Vnd wie er hent
diesen / morgen jenen / vnter dis schwere Joch
demütiget / Also erfrewet er auch widerumb ei-
nen nach dem andern / vff das Gott in diesem
Exempel fur augen stelle / das die Christliche
Kirche vff Erden / auch eine verlassene Widwe /
vnd ire heilige Kinder / arme vnmündige Seel-
gling vnd Waislin sind / vnd dennoch Gott
lob vnd danck / der Himlische Trost vff festem
grund stehet / wider der Dellen Pforten / vnd
hat dis Sigel / Niemand wird sie aus meiner
Hand reissen / Ich wil Euch nicht weislein
lassen / Ja ich wil euch tragen / bis ins alter /
vnd bis jr graw werdet / Ich wil es thun / Ich
wil heben / vnd tragen / vnd erretten / spricht der
D R R R D R R R / Psa. 46.

Demnach wollen wir als Christen / vns
ser trawren zu messigen / itzo bey dieser Klage
versammlung / da wir vnserer lieben Mitschwe-
ster / die letzte Ehre beweisen / aus Gottes wort
nicht allein einen krefftigen Trost / sondern auch
trewen vnterricht / wie wir vns recht hernach
schicken sollen / mit einander anhören / vnd den-
selben nemen aus dem 14. Capitel der Offenba-
rung Johannis / do wir also lesen:

VND

Wnd ich höret eine stimme
vom Himmel zu mir sagen / Schrei-
be / Selig sind die Todten / die in
dem H E R R N sterben / von nu
an. Ja / der Geist spricht / das sie rügen von
irer arbeit / denn ire werck volgen inen nach.

Als diesen kurzen worten / wollen
wir / vermittelst Göttlicher hülff /
vnd gnediger handreichung des hei-
ligen Geistes / vffs aller einfeltigst
diese drey stücklin / zur notwendigen
Lehr / warnung / vnd trost / mit einander be-
dencken vnd handeln.

Erstlich was da heisse / Seliglich im
H E R R N entschlaffen / vnd wie so vnseelige to-
den die Gottlosen sind / die in iren Sünden ster-
ben.

Zum andern / helt er gegen einander /
dis / vnd das künfftige Leben / vnd leret / wenn /
zu welcher stunde / vnd augenblick der tröstli-
che / vnd selige umbwechsel dieser vnruhe / vnd
trübsal / in ewige ruge / vnd freude angehe.

Zum dritten / sezt er nach einander viel
hohe / glaubwürdige / treffliche Zeugen / be-
des Himlische / vnd irrdische / so solches einmü-
tiglich aussagen / zeugen / bekräftigen / vnd als
gewis / vnd vnwiderrufflichen versiegeln.

Don

Von dem ersten stücke.

So viel nu das erste stücke belanget / hören wir die Todten nennen / Dis ist aber der Natur ein sehr abschewlicher / vnd schrecklicher Name / Denn fur diesem Feind fürchte sich alles / was das Leben hat / Kein Würmlin ist so klein / es windet / schlinget / vnd krumpt sich / wenn es verletzt wird. Ein jedes Gresslin / Keislin / Würtzelin / Gliedmas helt sich vffs genauest an seinen Leib / ziert / vnd ergentzt denselbigen / sorget fur desselbigen Leben / darumb das es von demselbigen abgerissen / sterben vnd verderben möchte. Das Leben ist lieb / pflegt man zu sagen / vnd solchs zu lieben / ist einer jeden Creatur in der Schöpffung eingepflantzet / allermeist aber den Menschen / der nach dem lebendigen Gott gebildet ist / dem sind alle Todes gedanken zuwider / vnd schrecklich / Wie der Philosophus sagt: Terribilissimum omnium terribilium est mors. Nichts schrecklichers / denn des Todes bild.

Nu bleiben / vnd sind wir aber nichts desto weniger alle zumal dem Tod / leider Gott geklaget / vnterworffen. Denn wer ist jemals diesem Tyrannen entworden / vnter allen Menschen / Elia vnd Denoch ausgenommen? Welcher ist jm jemals zu alt worden? welcher zu
B jung

*mortem omne quod
vultu uoluit.*

*nam uox v. d. d. mortis
Lobioz.*

Egredere p[ro]p[ter] o[mn]i[um] m[un]di.

Nationis maxime.

*In regno mortis
v[er]it[as] p[ro]ph[et]i, Morbi.*

Hoc s[er]mo s[er]m[on]is

Ecclesiola s[er]m[on]is

In v[er]bo m[or]t[is].

jung gewesen? welcher zu reich? welcher zu arm? welcher zu starck? welcher zu gewaltig? welcher zu selig? welcher zu vnseelig? welcher zu gros? welcher zu klein? Der Tod treget keinen vber rücken/ wenn das stündlin ausgelauffen/ so gehet er mit seiner Sensen gleich durch/ er furcht/ fleucht/ schonet/ noch schewet niemand/ einer gilt jm wie der ander. So bald wir in Mutter Leib anfahen zu leben/ fahen wir zu gleich an zu sterben/ Denn wir sind ins Todes Reich/ welches vortrab sind allerley Kranckheit vnd schwachheit/ auch in den geringsten Gliedmassen vnser Corpers.

Solchs fületen die Heiden auch/ sie wußten aber weder vrsprung noch rettung/ Darumb dann alle ire Bücher fast eitel Klaglieder sind/ wie sonderlich der alten weisen Poeten/ vnd anderer schrifftten ausweisen/ so sich fur dem Tod allzumal gefürchtet/ entsetzt/ vorblasen/ gezittert/ vnd gezaget/ vnd nirgend fur diesem Tyrannen sich haben schützen/ oder trösten können.

Aber der lieben Christlichen Kirchen weisheit/ so vom Himel offenbaret/ vnterrichtet vns von allen beiden.

Kritlich/ woher solcher jamer entstehe/ nemlich von der Erbsünd/ Denn ob wol vernünftige Heiden auch manchmal sahen/ das viel zu irem eigen vnglück/ tod/ vnd vntergang irer selbs/ vrsach geben/ vnd es anders nicht haben wolten/ Darumb sie dann jederman zur Erbarkeit/ messigkeit/ vnd demut vermanten:
So

So kundten sie doch nicht ausgründen / woher
doch diese schreckliche vnordnung / vnd vnter-
gang der Menschen / als einer so herrlichen /
firtrefflichen / hochbegabten Creatur entstün-
de. Diese Weisheit lernet man nirgend dann
allein in des heiligen Geistes Schule / Als da
Moses die ernste trawung Gottes setzt / Gene. 2.
Welchs tags du dauon essen wirst / mustu des
Todes sterben. Daher Kompts / sagt der Apo-
stel / Roma. 5. das der Tod zu allen Menschen
durchgedrungen / weil sie in Adam alle gefals-
len / vnd gesündigt haben / das ist der vrsprung.

Im andern aber / hören wir hie in der
stimme vom Himel noch eins / das den Wei-
den / ja aller vernunft viel frembder / vnd vn-
bekandter ist / Nemlich / das noch ein Herr vber
den Tod sey / in welchem man seliglich / on ei-
niges zittern vnd zagen / Ja viel mehr mit hertz-
lichem frölichen verlangen sterben / vnd diesem
zeitlichen leben / der gantzen Welt / vnd allem
irem pracht / lust vnd freud / abdanken könne.
Das lasse mir ein krefftig Antidotum sein / so
auch des vergifften Todes gift vnd Pestilenz
selbs ist / vnd die tödliche colochinten der armen^{2. Reg. 4.}
Schüler Gottes / in ein heilsame gesunde speis /
Ja in das ewige Leben verwandelt.

Wer mag aber wol dieser Herr sein ?
Freilich kein ander / denn der starcke / sieghafft-
te / vnüberwindliche / vnd allmechtige Held
Gottes / von Marien geboren / das liebe Jhes-
suln / welchs so voller lebens / vnd krafft wi-

B ij der

Gen: 2.

Rom: 5

11. Esse mortis Domini
in quo beati mori
resurrexit.

Christus ille Dominus

Jesus, qui plangit
vna

*Simlon, funebrem
Sibi ipsi concionem fco.*

der den Tod ist / das allein sein freundlicher/
holdseliger anblick / den Gottseligen alten Si-
meon so frölich vnd begirig macht / das er für
grossen freuden / bey lebendigem Leibe / sein eis-
gner Reichprediger wird / vnd in seiner Cygnea
cantione / im selbs ein freudiges Epitaphium von
heller stimme anseheth zu psalliren: Mit fried
vnd freud ich fahr dahin/ etc.

Hic simon mit:

Dieser Ihesus allein ist der rechte gebe-
nedeyte Samen des Weibes / in welchem al-
le Geschlechter vff Erden sollen gesegnet wer-
den/der rechte Schlangentretter / vnd stercke-
rer/ der darumb erschienen/das er des Teuffels
werck zerstöre/die Sünde tilge/des Todes sta-
chel zerbreche / die Helle stürme / vnd vns das
verlorne ewige Leben wider bringe. Was heisst
aber nu in diesem **D**Ern sterben? Eigentlich/
vnd vffs aller einfeltigst zuerkleren/so stehet sol-
ches in folgenden zweien stücken.

*Wsee 13.
Quod am in hoc dno
mori.*

*Christum agnoscam
pro meo pe.*

Erstlichen mus ein jeder mit dem lieben
fromen Simeon / den **D**Ern Christum / in
rechtem/gründlichen / hertzlichen vertrauen/
für seinen einigen vnd eigenen Mittler/Fürspres-
cher/Seligmacher / Ja für seine einige/ vnd
ewige Weisheit / Gerechtigkeit / Weiligung
vnd Erlösung/1. Corinth. 1. vffnemen/hertzen
vnd küssen/ vnd das er es allein sey / bestendig-
lichen bekennen/ vnd anruffen/Wie denn ewer
Lieb teglich hienon nach notdurfft vnterricht
werden.

30m

Zum andern / wie er seinem lieben Vater
sich mit Leib vnd Seele ergeben / vnd befohlen /
Also müssen auch wir vnser Seelē dem Dⁿ Herrn
Christo allezeit zu getrewer Hand befehlen /
vnd auffopffern. Desgleichen auch den Cörper
willig vnd gern / wens Gottes gnediger wil-
le ist (Wie den sonderlich vmb ein seliges stünd-
lin / der freudenreichen Heimfart zu bitten) der
lieben Erden / als der ersten Mutter / vnser aller
ankunfft / volgen lassen / doch mit dem bescheid
der vngezweuelten hoffnung / solchen vff den
Tag / do alles herwider bracht / vnd völlig re-
stituir wird / viel herrlicher / schöner vnd kress-
ger wider von jr zu empfangen / den er jr jetzt ver-
trawet vnd bescheiden wird / laut des tröstli-
chen Spruchs / *Hiob 19*: Aber ich weis / das
Mein Erlöser lebet / vnd er wird mich hernach
aus der Erden aufferwecken: Vnd werde dar-
nach mit dieser meiner haut vmbgeben werden /
vnd werde in Meinem Fleisch Gott sehen.
Denselben werde Ich mir sehen / vnd meine aus-
gen werden in schawen / vnd kein frembder.

*2. Ino nos commen-
datus.*

Acto. 3.

1. Cor. 15.

Vn dieser widerkunfft schreibet auch
der Apostel Paulus / *1. Corinth. 15.* also: Es
wird geseet verweslich / vnd wird aufferstehen
vnnerweslich. Es wird geseet in vnehre / vnd
wird aufferstehen in herrligkeit. Es wird gese-
et in schwachheit / vnd wird aufferstehen in
Krafft / Es wird geseet ein Natürlicher leib / vnd
wird aufferstehen ein Geistlicher leib. Denn dis
verweslich wird anziehen das vnnerwesliche /

1. Cor. 15.

B ij vnd

vnd dis sterbliche wird anziehen die vnsterblich-
keit/etc.

phil. 1.

Diese hoffnung macht auch den Apo-
stel so frölich / das er Philip. 1. rühmet / vnd
spricht: Christus ist mein Leben / vnd sterben
ist mein gewin. Wer nu solche Kunst aus
Gottes wort vleissig fasset/der wird freilich mit
Paulo sehnlich seufftzen / das er nur bald von
diesem SündenCörper möchte auffgelöset wer-
den / vnd bey Christo sein/ Wie denn eigent-
lich aller fromen / Gottseligen Christen / steter
wundsch ist/ der im letzten Capitel dieser Him-
lischen Offenbarung/zum tröstlichen Beschluß
vnsrer lieben Bibel des heiligen Newen Testa-
ments beschrieben stehet: Veni Domine IESU.
Ab kome DERR Ihesu/vnd kome bald/etc.

*Et contra impii non in
Domino moriuntur.*

Wie aber solches alles gewislich war
ist / also weiser herwider das gegenspiel / das
die Gottlose / sichere / vnbusfertige Weltkin-
der nicht im DERRN / sondern in jren Sün-
den sterben/ Darumb auch jr Keim billig heist:

Ich leb/vnd weis doch nicht wie lang/
Ich sterb/vnd weis doch nicht wann/
Ich fahr/vnd weis doch nicht wohin/
Mich wundert/das ich so frölich bin.

DArgegen wir/vnserm DERN Christo/
als dem rechten / allmechtigen / ewigen Sieg-
fürsten zu Ruhm/Ehr vnd Preis/ob wir schon
die erste zwen Vers auch mit führen / vnd bekenn-
nen müssen / sintemal wir vnser Lebens leng
vnd

vnd ziel / so wenig als die Gottlosen / wissen /
doch die letzten können mit warheit also umb-
keren :

Ich als ein Christ / fahr vnd weis /
Gott lob gewis / wohin /
Drumb wundert mich / Das ich
on vrsach trawrig bin.

Aber was wollen wir hie lang stehen /
der Gottlosen schrecklich EVOVAE weist
gemeiniglich / cuius Toni ire Antiphonæ gewe-
sen / Denn wie sie gezielet / so drücken sie los / so
treffen sie auch / Wie der Poet schlenst : Vitaq̃
cum fremitu ruit indignata sub umbras. Dafür vns
Gott alle gnediglich behüten wolle / Amen.

NB EVOVAE

Also haben wir bey diesem ersten stücke
vns zu erinnern / Erstlich / das kein schrecklicher
Bild sey / dann des Todes. Zum andern / das
seiner Tyranny jederman müsse vnterworfs-
fen sein. Zum dritten / das kein Weltweiser /
aufferhalb Göttlichs worts / könne / noch ver-
mög ergründen den vrsprung / viel weniger die
artzney wider den Tod. Zum vierden / das
vns allein Gottes heilwertiges Wort / beide
solche hohe Weisheit zeige / vnd erklere / die er-
ste zwar zur warnung / die andere zum trost.

Wer nu solchs für seinen einigen Schatz
im hertzen behelzet / wol demselben. Wers aber
nur zum schein füret / vnd lesst sich bedüncken /
es sey gnug / das er auch ein Christ heisse / vff
dem

den D E R N getaufft sey / die Predigt höre /
mit andern zum heiligen Abendmal gehe / etc.
„ (Wie sich denn die ScheinChristen eusserlich
„ fein wissen zu ferben) vnd doch inwendig im
hertzen / nicht einen einigen gedanken warer
Reu vber Sünde / geschweig ernste bekerung
zu Gott fület / viel weniger besserung des lebens
anstellet / den müssen wir auch fahren lassen /
vnd dem ernstlichen Gericht Gottes befehlen /
wie sonderlich hentigs tages (domit ich ande-
rer groben Sünd itzt geschweig / die doch alle
mit hieher gehören) an dem vnersettigem Geitz
zu sehen / welchs Keim nicht weniger / als der
Trunckenboltz ist / Wir ist nicht wol / Ich sey
Denn vol.

*Auarorum 7 Ebrío.
Iovm proverbium.*

In auaros.

Darumb solche in irem verstockten / vn-
barmhertzen / Heidnischen sinn / vnd leben /
merfortsaren / warten von einer tewrung vff die
jander / solt auch druber Christus selbs in seinen
armen Gliedmassen verschmachten / vnd ver-
hungern / gibt jnen wenig zu schaffen. Wehe
aber denen / vnd ewiglich wehe / Denn sie wer-
den nach einem kurtzen Sonnenschein / vnd er-
tichter / kurtzer / jemerlicher Freude / zumal ei-
nen rauhen Weltzeltag / Wie es der weise Poet
nennet / fülen / vnd erfahren / wo sie nicht bey
zeit abstehen / vnd ware Busse thun / welchs
wir dann einem jeden von hertzen wünschen /
vnd so viel möglich darzu vermanen / Ja das
andlitz des D E R N stehet vber die / so böses
thun / das er jr gedechtnis gantz vnd gar aus-
rotte / von der Erden / Psal. 34. Genug von dem
ersten stück.

Das

Ps. 34

Das Aunder stück.



Als ander stück stehet in diesen
worten:

Selig sind sie / Ja sie ruhen
von irer arbeit / von nu an.

Werin werden vns fürgehalten zwo bes-
schreibung / Erstlich / was dis zeitlich leben
aller Menschen sey. Darnach was die Christen
mit irer frölichen Heimfart / für einen ge-
wundschten Wechsel treffen / dabey wir endlich
zu betrachten / wenn denn solcher freudenreiche
umbwechsel mit jnen angehe.

Erstlich beschreibt die Himlische stim-
me dis zeitliche leben aller Menschen / mit ei-
nem eintzigen wörtlin / welchs doch vber die
massen / viel in sich begreiffet / vnd nennets $\kappa\acute{o}\nu\omicron\varsigma$
 $\pi\omicron\upsilon\varsigma$, arbeit / wil vns an allen zweuel damit zu
rück weisen / in vnsern 90. Psalm / welcher ist
ein Gebet Mose des Mans Gottes / darin er vn-
ter andern / auch diese Denckmerckliche wort
setzet / beides von der kurtze / vnd müheseligkeit
dieses wegflüchtigen vnd elenden Lebens / vnd
spricht: Unser leben wehret siebenzig Ihar /
wens hoch kompt / so sind achzig Ihar / vnd
wens am köstlichsten gewesen ist / so ist es gewe-
sen / $\kappa\acute{o}\pi\omicron\varsigma$, $\kappa\alpha\iota$ $\pi\acute{o}\nu\omicron\varsigma$, mühe / vnd arbeit.

C DJe

Quid uita profans?

labor.

M: 90.

κόπος καὶ πόνος

1.
Suzer

M: 39

Die schnelle wegflüchtigkeit / vnd eitelkeit dieses vergenglichen Lebens / malet vns David Psalm. 39. do er zu Gott seuffzet / vnd spricht / **Ah HERR** / lere doch du mich / das ein Ende mit mir haben mus / vnd mein Leben ein ziel hat / vnd ich dauon mus. **Sihe** / meine tage sind einer handbreit bey dir / vnd mein Leben / ist wie nichts für dir / **Wie gar nichts** sind alle Menschen / die doch so sicher leben / **Sela.**

Sela. 19.

Vita nihil aliud
q̄z momenti h̄ p̄sentis
reus. rausz.

Syr: 18.

Dis wörtlin setzet er hinzu / vns zur vleisigen auffmerckung zu erwecken / als wolt er sagen / **Lieber sihe** es nicht allein mit deinen augen / sondern merck es auch / vnd schreib ein Nota Bene darzu / vnd bedenc̄s an deinem eigen alter / **Was ist** / das du vierzig / funffzig / sechzig Jhar gelebet hast? **Dabin ist** / wie der tag / der gestern vergangen / vnd nicht widerzubringen: **Also ist** ja vnser gantzes leben / fur vnd fur nicht mehr / dann so viel du in diesem gegenwertigen augenblick Athem schöpffest / **Das gesterig** ist verschwunden / das zukünfftige noch nicht da / das gegenwertig vnbestendig / denn es fleucht dauon / **Noch setz** die Welt jr Datum darauff / vngeacht / das Syrach an 18. Cap. zum trewlichsten jederman dafur warnet / vnd spricht / **Wenn sich** gleich des Menschen leben auff hundert Jhar erstreckt / so wer es doch eben so gering gegen die Ewigkeit / welche die Gottlosen vmb des zeitlichen willen begeben / als ein tröpflein Wassers / gegen dem Meer / vnd wie ein Körnlin gegen dem Sand
am

am Meer nicht zumer gleichen. Ja tausent Jar/
spricht Petrus / sind für Gott kaum / wie der
tag / der gestern vergangen / vnd wie ein Nacht=
wache / So gar ist kein Proportio finiti ad infin=
tum, Das ist / zeitliches vnd ewiges / lesset sich
gegen einander keines wegs halten noch ver=
gleichen / Vnd das sollen vernünfftige Leute
betrachten / vnd wol notiren.

Zum andern / wenn diese schwinde flucht
des kurtzen Lebens schon nicht were / sondern
sich in viel hunder Jhar erstreckt / So sagt doch
die Damlische stim hie / das nichts guts darin=
nen sey / Sondern eitel lanter mühe / arbeit /
sorg / angst / gefahr / bekümmernus / elend / ja=
mer / vnd Not / da ist kein ruhe / sondern allent=
halben nichts / denn trübsal / Auswendig streit /
inwendig furcht / 2. Corinth. 7. Itzt kompt ein
hoffnung / bald widerumb schrecken / Wie der
der Vers heisst :

Interdum pax est, pacis fiducia nunq̃.

Also lesen wir im Herodoto / das der
weise Man Solon / in den Königlichen Hoff
CROESI komen / welchem der König all sein
Derrligkeit vnd Reichthumb hab zeigen las=
sen / vnd darauff gefraget / Ob er auch je=
mals einen seligern Menschen auff Erden gese=
hen? Aber der weise Weid antwortet / Reich=
thumb vnd gewalt / preisen Niemand's selig /
sondern allein ein gutes ende. Denn / spricht er /
siebenzig Jhar mag vielleicht der Mensch le=
ben / dieselben machen so vnd so viel Monat /

C ij die

2 laboriosa.

2 Cor: 7.

Ap. Herodotum Solon.

Divitias minimam bon.
am.

die Monat so viel tag / wie er sie daselbst weis-
lich ausrechnet / vnd zelet / Tu ist kein tag dem
andern gleich / sondern ein jeder kan mit einem
newen / sonderlichen / vnerhörten vnglück vnd
gefahr / den Menschen vmbstossen / Darumb
keiner vor seinem ende selig zu preisen.

Lucy. 13. 24.

Anno obituro

Obituro.

Mihi in hoc accidit

Non am. 1. 1. 1.

Ps. 144.

Ps.

Ps. 90.

Pauperum 1. 1. 1.

Diminutionem in commo.

Waber hie ein betrübtter Mensch / der
mit seinen kleinen vnerzogenen Kindlin / zu die-
ser geschwinden zeit / in grosser armut / vnd wol
auch Kranckheiten / vnd dergleichen Leibs not
ligt / möchte einreden / das wol von im / vnd
seines gleichen / diese Beschreibung recht / Von
denen aber / so alles genug haben / sicher / vnd
frölich in aller fülle leben / die kein Unfall /
Seuch / noch plage betrifft / wie im 144. Psalm
zusehen / Ja die noch wol den Elenden vnter
die Füße tretten / viel zu enge sey. Darauff ant-
wort der 90. Psalm / das auch die allerhöch-
sten tage / mühe vnd arbeit sind / als wolt er sa-
gen / Die Vernunfft vrteilt nach dem eusserli-
chen schein / vnd gedencet / müheseligkeit be-
deute nur leibliche beschwerung / Aber in der
warheit helt sichs viel anders / Denn die Ar-
men / so fern sie Gottfürchtig sind / haben von
irer schwermütigkeit dennoch diesen nutz / das
sie dadurch getrieben werden / nach der ewigen
Ruhe / mit freudiger sehnlicher hoffnung zu
seufftzen / do dagegen die Gottlosen in all irer
vberflüßigkeit / vnd in diesem irem ertreymeten /
elenden / vnd irrdischen Dimelreich / sich tag
vnd nacht mit eitel lauter mühe / vnd arbeit
schlagen / vffstehen / vnd niderlegen / wie jener
sagt :

sagt: Mein zeit mit vnruhe. In welcher vnruhe nicht allein der Leib abgemergelt / Sondern auch die arme Seel verfeumet / vnd ihres schadens nicht gewar wird / bis sie mit des Reichen Mans Seele / Luc. 16. aus zeitlicher vnruhe / in ewige qual / hitz vnd pein / in ewigkeit verfallē / vnd befestiget / vnd nicht einen tropffen Wassers / von Armen / Reichen / vnd allen Creaturen erbetteln kan / wie im 34. Psalm geschrieben stehet: Die Reichen müssen darben / vnd hungern / Aber die den D E R R U sachen / haben keinen mangel / an irgend einem gut / etc. Vnd so viel von dem wörtlin Arbeit.

Ps. 34.

Wolgt nu die ander Beschreibung. Was ist denn der Christglaubigen abschied? Oder / was treffen die Todten / so in dem D E R R U sterben / fur einen wechsel? Antwort: Ir abschied vnd wechsel ist ein ruhe / vnd zwar ein ruhe in der Seligkeit.

Quis pius mori?

Solches betrifft beides / Leib vnd Seel / Der Leib ruhet in einem sanfften schlaff / welchem der leibliche Tod / sonderlich der rechten Christen / von denen hie geredt wird / sich vergleicht / aus folgenden Ursachen.

Quis in beatitudine

Corpus dormit.

Dann wie wir vns des abends zu ruhe thun / mit gewiser hoffnung / wenn frue der Morgen anbricht / wider an vnsern Beruff zu gehen / also schlaffen die Gottseligen ein / mit gewiser zuuersicht / das am letzten Tag / wenn die Morgenröte des ewigen Sabbats / wird anbrechen / zugleich folgen werde / die fröliche

Mors pius / somnus
Causa

C ij

auff

aufferstehung dieses Fleisches / Huius Carnis,
Wie die Alten sagten / vnd mit Fingern auff
sich zeigten / wenn sie diesen Artickel nenten:
Ich glaube eine aufferstehung des Fleisches /
Job 19.

///
Im andern / wie einem gesunden Men-
schen / wenn er des morgens erwacht / die gan-
tze Nacht kaum ein stund lang düncket / Also
werden die Christen / so etlich hundert / ja wol
tausent Ihar / vnter der Erden geruhet / sich am
Jüngsten tag bedüncken lassen / als sey es nehr-
lich ein einige Nacht gewesen / Oder sie haben
kaum ein stündlin geruhet.

///
Im dritten / wie kein verstandiger
Mensch vorm Schlaff sich entsetzt / sondern
in für ein sonderlich gab Gottes achtet / Also ist
der Tod den Christen / ein angenehmer Will-
kom / wie an Babyla dem heiligen Bischoff zu
Antiochia zu sehen / welcher / do er mit dreien
Kindern vnter dem Tyrannen Decio / vmb
Euangelij willen / solt getödtet werden / bat er /
das man die Kinder / damit sie durch seinen
Tod nicht abgeschreckt würden / von ersten
richtete / vnd dann ja seine Band / damit er ge-
fangen / vnd gebunden / mit jm wolt vnter die
Erden vergraben / damit er solchen herrlichen
schmuck / für seinen **HERN** Christum brin-
gen köndt / vnd sagt diese sehnliche / vnd tröst-
liche wort darzu / aus dem 116. Psalm: Reuerte-
re anima mea in requiem tuam. Gib dich nu zu ru-
he vnd fried / mein liebe Seele / denn der **HER**
thut

Babylas.

M. 118.

thut dir gutes / vnd scheidet also in die ewige
ruhe.

Widerumb aber die Kleinen vnuerstendigen
Kindlin / weinen / wenn sie schlaffen sollen /
denn sie verstehen jr eigen gutes nicht / Solche
Kinder bleiben wir alle in diesem Leben / Der
Geist ist wol willig / aber das Fleisch schwach /
welche Klag der Son Gottes auch selbs gefü-
ret / denn die Natur leffet jrer art nicht / son-
dern entsetzt sich für jrem vntergang / vnd zer-
störung. Dagegen die tollten vnd vollen Narrē /
welche starcke Helden sind / die Nacht in tag zu
verkeren / fliehen den schlaff / vmb jres vnordent-
lichen Lebens willen / Denn sie fürchten nicht
allein Kopffwehe vnd gewel / nach vnordent-
lichem fressen vnd sauffen / Sondern auch jr
Sünd vnd böß Gewissen / das dasselbige / wenn
sie nüchtern wurden / nicht auffwache / Der-
halben sie das Gericht Gottes / in jnen durch
solche Epicurische Galgenfreud / ein zeitlang
vnter zu drucken gedenccken. Eben also ist es
vmb alle Gottlose gethan / so sich propter gaudia
um vix trium dierum, für dem zeitlichen Tod / an-
ders nicht / denn wie die vollen Narren fürch-
ten / vnd doch nichts bessern. Darumb weil
sie in vnbusfertigkeit verharren / vnd sterben in
jren Sünden / werden sie am Jüngsten tage /
wie die Trunckenboltz / düster / vnd schel aus-
sehen / Do wird der Wurm jres bößen Gewis-
sens auffwachen / vnd sie ewiglich / an Leib
vnd Seel anfahen zu nagen / Wie das Buch
der Weisheit bezeugt / Sie werden komen ver-
zagt /

*Evangelium juri dignum
sermone.*

Tabes sume

nam expellat

Ebrietas Agrippina

sic impi

zagt / mit dem Gewissen irer Sünden / vnd ire
eigen Sünde werden sie vnter augen schelten.

Im vierden / wie der Schlaff alle krefft
des Leibes sterckt / vnd erfrischt / das der
Mensch früe zu allen sachen geschickter vnd
freudiger ist / Also werden wir am Jüngsten
tag aller erst recht vernewret / vnd tüchtig sein /
zu den hohen Gottes wercken / do werden wir
allererst endlichen anschawen / wozu wir von
Gott geschaffen / erlöset / vnd geheiligt sind /
Nemlich / Gott recht zu erkennen / vnd zu preis-
sen.

Witer des ruhen auch / die gerechten See-
len in Gottes hand / vnd kein qual rüret sie /
Sapient. 3. das ist / sie sind nu von allem Vbel /
vnd vbels gefahr erlöset / Der Sathan kan jnen
weder mit list / noch gewalt abbrechen / die
Welt kan sie in ergernus nicht verführen / des
Fleisches schwachheit / darin wir hie / als in irr-
dischen gebrechlichen Gefessen / vnser hohe
Himelschetz tragen / nimet nicht vberhand sie
zu vberweltigen / etc.

WJenu vff diese weis die Seel in ire rus-
he / vnd freie gewarsamkeit kommet / wie das
Buch der Weisheit sagt : Corpus, quod corrup-
pitur, aggrauat animam. Also ist sie in derselbigen
ruhe nicht müßig / Sintemal sie im lebendigen
Gott ruhet / der jmer fur vnd fur on auffhören
wircket / Johan. 5. Dann / ob schon Gott kein
newe Welt mehr schaffet / so verlest er doch
nicht / die er ein mal geschaffen / Sondern er helt
sie /

16
Aia gleichwol in manu
DEI

Non vno modo ga in
DEI 7/compromittur.

Joh: 5.

ſie / wider den Teuffel / macht ſie fruchtbar / ge-
mehret / vnd regiret alles / ſamlet jm aus dem
Menschlichen Geſchlecht ein ewige Kirche /
die er heiliget / beſchützt / vnd zu ehren ſetzt / etc.
In dieſem lebendigen / vnd thetigen Gott / vnd
in ſeiner allmechtigen krefftigen Hand / Kan
freilich die Seele nicht ſchlaffen / taub / blind /
oder tod ſein / ſintemal ſie auch hie dieſen irdis-
ſchen Cörper hörend / ſehend vñ lebend macht /
Sondern ſie iſt thetig in dem **DEUM** / vnd
ruget doch / Das iſt / ſie iſt in Gerechtigkeit /
Friede vnd Freude / in dem lebendigen Gott /
vnd in dem rechten ewigen Sabbath / an wels-
chem man den Allmechtigen / nach ſeinem wil-
len vnd weſen ſchawet von angeſicht zu ange-
ſicht / wie er iſt / vnd von jm empfehet / was er
iſt / ewige Weiſheit / ewige Gerechtigkeit / ewi-
ges Heil / etc. da man jm auch ewiglich wider
ehret / erhebet / liebet vnd preiſet / etc.

Sie / darin ſtehet das ewige Leben :
Nemlich / von Sünden rügen / den waren ei-
nigen Gott / im rechten Glauben an ſeinen Son
Jheſum Chriſtum / den er geſand hat / erken-
nen / Johannis 17. Dis meint hie die ſtimme
vom Himel / mit den zweien wörtlin / Sie rü-
gen / vnd ſelig ſind ſie.

Von dieſer Seligkeit redet der 144. Pſalm /
Wol dem Volck / des der **DEUM** ein Gott
iſt.

Item / Aſaph im 73. Wenn ich nur dich
habe / ſo frage ich nichts nach Himel vnd Er-
den.

D Petrus

26. 17

M. 144

M. 73

1. Petri 3.
Augustinus.
Petrus nennets die lebendigen hoffnung
des vnuerhenglichen / vnbesleckten / vnuerwes-
lichen Erbs / im Himel vns vorbehalten / 1. Pe-
tri 1.

Der heilige Augustinus redet sehr fein
dauon: Fide non attingitur, spe non capitur, caritas
te non comprehenditur, desideria transgreditur: ac-
quiri potest, aestimari non potest. Wir können hie
die Herrlichkeit des ewigen Lebens / mit dem
Glauben nicht gnugsam erreichen / mit hoff-
nung nicht fassen / mit lieb / lust vnd freud / nicht
ergreifen / es ist vber aller hertzen sehnen vnd
verlangen: Durch Christum werden / vnd wol-
len wirs vngezweuelte eigenthümlich besitzen /
hie ist vnermeslich / vnd setzt dazu: Ibi gaude-
bunt supra se de visione DEI, intra se de Inferni eua-
sione, intra se de corporis, & animæ glorificatione, cir-
ca se de hominum & angelorum associatione. Das
ist / die seligen werden dort / vber / vnter / in / vnd
vmb sich / nichts denn eitel freude empfinden /
Vber sich / an Gottes angesicht / vnter sich / das
sie der Dellischen verdammnis entrunnē / in sich /
das sie an Leib vnd Seel herrlich glorificirt vnd
erleuchtet / Vmb sich / an der holdseligen Gesel-
schafft / der heiligen Engel / vnd auserwelten
Gottes / etc. Sonst bekent er an einem andern
ort / das er die ruhe vnd freud / wenn er die war-
heit sagen sol / nicht wisse auszusprechen / Der
Friede Gottes vbertrefse weit allen verstand /
vnd witze / Vnd wenn man von der Hoheit /
vnd würdigkeit des ewigen Lebens / gleich auff
aller beste / vnd alles / was man wisse vnd kön-
ne / gesagt habe / das aller Menschen Zungen
nicht

nicht thun können / so hab man doch nur den geringsten Partickel nehrlich berüret.

DAmmit du aber etwas von diesen vnbe- greifflichen dingen wissen mögest / sagt er fer- ner :

Tantum gaudebimus, quantum amabimus.

Tantum amabimus, quantum cognoscemus.

Braucht eine feine gradation vnd anleitung / Die freud / sagt er / wird so gros sein / als die Lieb : Die Lieb aber so gros / als das erkenntnis / das erkenntnis aber so gros / als das Liecht selbs / der ewigen Weisheit / Gerechtigkeit vnd Weils / Denn jetzt erkenne ichs stückweise / dort aber werde ichs erkennen / gleich wie ich erkennet bin / 1. Corinth. 13.

DAnon sagt auch D. Ambrosius : Die Gerechten werden keines Liechts mehr bedürffen / weil sie dich (Gott) das ewige Liecht haben. Sie werden weder hunger noch durst / noch arbeit / noch mangel / noch trawrigkeit empfinden / Denn was fur freude / fur ruge / vnd oberflus ist / das wird inen deine gnedige heimsuchung geben / weil du alles in allem sein wirst.

In Summa / wie die Schrift saget / Das kein Aug gesehen / kein Ohr gehöret / vnd in keines Menschen hertz komen ist / das Gott bereitet hat denen / die in lieben / Esaie 64. 1. Corinth. 2.

DIs sey also von der seligen Ruge gesagt / welches wörtlin aus dem 56. Capit. Esaie schei- net genomen sein / do er spricht : Der Gerechte

D ij komet

1. Cor. 13.

Ambrosius.

Esaie 56

Komet vmb/vnd die richtig für sich gewandelt
haben / Kommen zum Friede / vnd rügen in iren
Kamern.

De inuoluntate quorundam

mat.

Wie felle nu die Frag für: Wenn dann
solche Herrlichkeit der sterbenden in Gott ange-
he? Darauf antwort die stimme hie / *ἀπάγει*,
von nu an / Das ist / wie die Historia vom ar-
men Lazaro ausweist / So bald der letzte
athem ausbleibet / sind die Engel Gottes vff ire
Seel bescheiden / dieselbigē in Abrahams schoß
zu tragen / Luce 16. Also spricht auch Christus /
Luce 23. zum Schecher / Heute wirstu bey mir
sein im Paradeis / vnd bezeugts dazu mit einem
tewren Eyd / Warlich / das sage ich dir zu / der
ich ja nicht liegen kan.

ubi purgatorium

ubi ubi illorum somnata

ps 18. 116.

Als sprichstu / Wo bleibt denn der Papi-
sten Fegfeyr? Antwort: Wo andere Münchs
trewme bleiben / Denn eines jeden Creutz vnd
anfechtung / ist eines jeden Fegfeyr in dies-
sem leben / Sonderlich wenn vns vber die ge-
meine eusserliche mühe vnd arbeit / in vnserm
Beruff auch inwendig Dellenangst / die Be-
che Belial / vnd des Todes stricke vberfallen /
Psalm. 18. 116. Dann in diesem Feyr wird der
Vnglaube recht ausgefeyt / der Glaube geleu-
tert / probirt vnd gesterckt / das wir durch den-
selbigen siegen in Christo.

Von diesem HErrn Christo / so zu einem
mal / vff den hohen Altar des Creutzes / sich für
vnser Sünde / mit starckem geschrey vnd thre-
nen / mit inbrünstigem Gebet vnd flehen / auff-
geopft

geopffert hat / So allein ist vmb vnser Missethat willen verwundet / vnd vmb vnser Sünde willen zuschlagen / Welcher durch die Sündflut seines Blutes / nicht allein das erlogene / Papistische Fegfrew / Sondern auch das rechte Delliſche Frew ausgetilget / wissen die Papisten nichts / stossen in von sich / vnd verfolgen in / Darumb ist nicht wunder / das sie vngereiniget / vnd vngeseget ins Delliſche frew fahren / vnd das nicht ehe fühlen / dann wenn die grosse Klufft befestiget sein / Wie geschrieben steht Luc. 16. vnd Apoc. 21. der Unglaubigen / vnd gewolichen / vnd Todschleger / vnd Dnrer / vnd Zerberer / vnd Abgöttischen / vnd aller Lügner teil / wird sein in dem Pful / der mit Frew / vnd Schwefel brennet / welchs ist der ander / das ist / der ewige Tod / Dafür vns Gott alle gnediglich behüten wölle / Amen.

Das Dritte Teil.

Solgt nu fürklich das dritte vnd letzte stück / Dann Christliche Zuhörer / on allen zweinel allbereit sorgfeltig / ob auch dieses alles / so bisher den Glauben tröstlich / den Gottlosen aber schrecklich / zur warnung / vnd besserung angezeigt / mit glaubwürdigen gnugsamen Zeugen / vnd gründen der Wahrheit künden

D iij

ne dar

ne dargethan werden? Antwort: So in zweier/oder dreier Zengen Munde alle warheit stehet/ Matth. 18. wird freilich vnser grund allhie viel einen gewissern stand / vnd vnweglichren grund haben/ Den wir ja hie die höchste Zengen/im Himel vnd vff Erden / alle beysammen haben.

In celo hoc dicitur.

Christlich ist dis Decretum auff keinem Concilio zu Trident/noch Weltlichen Reichstag verabscheidet/sondern in dem aller geheimsten Rat der heiligen vnd ewigen Dreyfaltigkeit beschlossen/vnd in dem schoß des Vaters / das ist / in dem aller geheimsten Rat Gottes / auch dem Sone kund worden / welchen der Vater einen befehl thut / dasselbige schriftlich vnd mündlich zu offenbaren.

2. filij dicitur.

Zum andern / der Son Gottes / das Ewige Wort / der Glantz des Vaters Herrlichkeit / vnd das Ebenbild seines wesens / dieser ist hie der Sprecher / vnd führt die stimme seines Vaters / als der Cantzler / in dem geheimten Rat Gottes.

3. Spiritus s.

Zum dritten / der Heilig Geist / das ist / die dritte Heilige / Ewige Gottes Person vnterschreibt / vnd versiegelt mit dem aller twersten Eyd / bey dem heiligen Gottes Namen / Denn er spricht / Ja / vnd Amen dazu / Es sol war sein / Gott aber ist das rechtschaffene Ja / vnd Amen / vnd die Warheit selbs.

JA/

In spricht der Geist/des Decretum sol in
alle Ewigkeit vnwiderrufflich also / wider der
Thellen Pforten/beschlossen sein / vnd bleiben.
D wie selige Leute sind wir / vmb welcher wil-
len die Ewige Maiestet Gottes selbs schweret:
D wie vnselig sind alle Gottlosen / die der ewi-
gen Wahrheit nicht glauben geben / Sondern
inen selbs / irrsame / gefehrliche Nebenwege in
Himmel bauen.

Vn diesen dreien Himlischen Zeugen
stehet / 1. Johannis 5. Drey sind / die im Himmel
zeugen / der Vater / das Wort / vnd der Geist /
vnd diese drey sind einig.

Vn volgen auch drey irdischen Zeugen /
vnter welchen der erste ist / Johannes der Eus-
angelist / der liebste Jünger des **H**errn Chri-
sti / der im vff der schos ruget im letzten Abends-
mal / vnd von wegen seiner hohen erleuchtung
vnd gaben / ein Donnerkind genent wird / die-
ser ist der glaubwürdige Copist / der nicht seine
gedancken / sondern was er von der stimme
Gottes / mit seinen Ohren gehöret / trewlich
vom Mund Gottes in die Feder gebracht / vnd
thut darzu solchs nicht aus eigener andacht /
sondern durch Gottes getrieb / befehl vnd ges-
heis / Wie denn an allen heiligen Gottes Mens-
nern vnd Propheten / des gleichen zusehen / 2.
Petri 1.

Der ander / ist das geschriebene Wort
selbs / welches vns hiemit vffs vleissigst commen-
dirt wird / zu forschen / zu lesen / zu studiren /
Wie Johannis 5. Christus selbs befehlet: *Scruta-
mini*

Tizius Ferrisius.

Johannes Egelin.

2. Adam Scriptor.

tamini Scripturas. Forscht in der Schrift/ denn
sie ist/ die von mir zeuget.

Scholarum laus.

Alhie ist auch zu betrachten/ das den El-
tern von Gott vfferlegt wird/ ire Kinder ernst-
lich zur Schule zu halten/ vnd nicht/ wie die
vndanckbare Welt pflegt/ nur zu grossen Wu-
chershendeln auffzuziehen.

Denn weil hie stehet/ Schreibe/ so wil
Gott ja zugleich/ das wirs lesen/ betrachten/
vnd als danckbare Mundzeugen/ gleichfalls
vff die lieben Nachkommen pflantzen sollen/ das
kan nicht geschehen/ one die Freye Kunst vnd
notwendige Sprachen/ deren schemen sich
heut zu tag die Reichen/ vnd wülen vnter des
mit der Saw im Mist/ des zeitlichen Mam-
mons/ helfen also ires teils/ das die heilige
Schrift/ weil sie ire Kinder von Studijs abhal-
ten/ vngelesen bleib/ vnd mit der zeit widerumb
verfinstert werde. Darumb sie Gott ein mal
schwere Rechenschafft von irer Kinderzucht
werden geben müssen.

3 Opera.

Dem dritten/ kompt noch ein irrdischer
Zeng darzu/ Denn ire werck volgen inen nach.
Diese wort verteidigen nicht der Papisten
Werckgerechtigkeit/ viel weniger patrociniern
sie iren ertichten/ vnd erlogenem Segfrewer/
Sondern weil hie klerlich stehet/ Sie volgen/
nemlich denen/ die schon durch Christum ge-
recht wordē/ vnd demnach allbereit im D^{er}rn
selig sind/ So geben sie ja in der warheit nichts
anders

anders zuuerstehen / denn was die Regel Au-
gustini leret: Bona opera sequuntur iustificatum, non
precedunt iustificandum. Die Gerechtigkeit ge-
het vor / die guten Werck volgen nach / müssen
also vnterschieden werden / ob sie sich schon kei-
nes wegs gantzlich scheiden lassen / als effectus
causæ in actu positæ, wie man nicht allein in
Schulen / Sondern auch der **W**err Christus
sagt / An den Früchten erkent man den Baum /
Matth. 7.

Witer diesen aber ist allein der Glaub der
starcke krefftige Magnet / der nicht Eisen vnd
Stahel / Sondern Christum mit seinen Wun-
den vnd verdienst / an sich zeuhet / vnd sich in
denselbigen einschleusst / sind also die werck
nichts / dann sichtbare Zeugen des lebendigen
Glaubens / vnd demnach auch der Seligkeit /
so den Gliebigen durch Christum zuuorn er-
worben ist / ehe dann sie anfangen gutes zu
wircken / vnd zu thun / Denn on den Glauben
ists vnmüglich Gott gefallen / Sintemal al-
les was ausser dem Glauben / Sünde ist / vnd
würde sonst die Verheissung zweiuelfastig /
Denn Christus ist / vnd bleibts allein / der da
tilget vnser vbertretung / vmb seinet willen /
vnd gedencet vnser Sünde nicht / damit wir in
seinem erkentnis getrost ruffen können / Abba
lieber Vater.

Darnach aber / wenn wir dnreh den
Glauben in Christum geschlossen sind / wird
die vnaussprechliche lieb des **W**errn Christi /
seiner Gliebigen wolthaten vnd gute werck /
die er / wie ein Sigelrinck / vnd Augapffel be-
helt /

Augustinus.

Matth. 7

*Fides magneti
conferitur.*

halt / Syrach 17. am Jüngsten tag rhümen /
vnd also seine eigene / vnd seines Geistes werck /
der hie in den Gliedmassen Christi regiret / Krö-
nen / vnd der Unglaubigen vbelthat richten /
Matth. 25. Rom. 2. etc. Dis sey gnug von den
Zeugen dieses trostreichen / schönen / güldenen
Spruchs.

Als diesem allen ist nu klar vnd gewis /
das wir vns auch / wie anfenglich gesagt / die-
serer vnserer Gottseligen / Christlichen Mit-
Schwester halben in **DEKXN** Christo / von
hertzen zu frewen / vnd nicht zu betrüben ha-
ben / Als die on allen zweivel ein Gliedmas der
Gesegneten des Vaters ist / vnd allbereit von all-
irem trübsal seliglich im **DEKXN** ruget.
Dann sie auch iren Glauben an Christum / mit
rechtschaffenen fruchten bezeuget / welche jr
auch in diesem Leben rhümlichen nachgerede
werden / vnd also folgen / Nicht allein in dem /
das sie von Jugentauff in der furcht Gottes
wol erzogen / in werendem Bestand gegen
irem geliebten / hinderlassenen vnd hochbetrü-
ten Hauswirt der Ehren erzeigt / das sie des
bey im gnugsam zeugnis / vnd darneben eine
getrewe Hauspredigerin des lieben Catechis-
mi / gegen iren vnerzogenen vier Dertztröpf-
lin vnd Gesind gewesen / Vnd sich also / nach
irem beruff / des Weiblichen Ehrenrhums be-
flissen / den Inen Paulus gibt / 1. Timoth. 2.
Das Weib wird selig werden / durch Kinder
zeugen / so sie bleibet im Glauben / vnd in der
Lieb / vnd in der Weiligung / sampt der zucht /
etc. Nicht allein in dem / sage ich / folgen jr die
frucht

frucht ihres Glaubens nach / Sondern auch
fürnemlich / das sie in ihrer langwirigen grossen
schwacheit / darin sie vierzehnen gantze Wochen
gelegen / vnd gemachsam in ihrem Creutz / allen
ihren safft vnd krafft / bis auff haut vnd bein / ge-
horsamlich zugesetzt vnd abgezehret / mit sol-
chem verstand / auch in solcher gedult ihres gleu-
bigen hertzens / dem lieben lieben Gott still ge-
halten / das ich mich / Als der ich sie beneben
meinen geliebten Mitbrüdern / Amptshalben
etzlich mal besucht / nicht genugsam hab darob
können verwundern vnd frewen.

Dann als sie erstlich in diese schwacheit
geraten / hat sie dem Herrn Doctori Medicinæ
selbs angezeigt / das sie schwerlich daraus ko-
men würde / Derwegen sie sich auch zum seli-
gen abschied aus diesem Jamerthal geschickt /
beforderst mit ihrem lieben Gott / durch die hei-
lige Absolution versünet / vnd damit den Gna-
denbund ihrer seligen Tauff in Christo vernew-
ert / ihre Seel mit dem tewern Hochwürdigen
Viatico des Leibs vnd Bluts Christi / im heilli-
gen Abendmal zum andern mal gestercket / vnd
also Gott dem D E X T E R I / vnd ihrem Erlöser
Ihesu Christo / zum vleissigsten sich befohlen /
Auch teglich mit den fürnemesten Trostsprü-
chen / die sie nicht allein wuste von wort zu er-
zelen / Sondern auch (welchs ich mit warheit
bezeugen kan / vnd freilich sonst / denn ich aller
heuchley / wie billig / feind bin / nicht aussagen
wolt / wenn ichs nicht selbs angehört) mit
grossem verstand / vnd freidigem Geist / wider-
holet /

E ij

holet /

Viaticum.

holet / sich selbs gesterckt / vnd auffgericht / als
nemlich / Sibe / sagt der Teuffer Johannis I.
das ist Gottes Lamb / welchs der Welt Sün-
de tregt. Darauff sie pflegt zu sagen / Treget er
der Welt Sünde / so tregt er auch meine Sün-
de / denn ich bin auch ein stück von der Welt .
Item Johan. 3. Also hat Gott die Welt gelie-
bet / etc. Esaie 53. Furwar er trug vnser schwas-
cheit / vnd lude auff sich vnser schmerzzen / etc.
Ezech. 33. So war als ich lebe / etc. Roma.
14. Vnser keiner lebt im selber / vnd vnser keiner
stirbt im selber / Leben wir / so leben wir dem
DERRN / Sterben wir / so sterben wir dem
DERRN / Darumb wir leben oder sterben /
so sind wir des DERRN. Diesen trefflichen
Spruch füret sie stets im munde. Item /
Matthai II. Komet her zu mir / alle / die jr mü-
heselig vnd beladen seid / etc. Vnd sonderlich
bey diesem Spruch hat sie offtmals geseuffzet /
Ah DERRN ich bin auch müheselig / hilff mir
du getrewer Gott.

Mer fürnemsten Trostspruch war auch
dieser einer / I. Timoth. I. Das ist je gewislich
war / vnd ein tewer werdes wort / das Ihesus
Christus komen ist in die Welt / die Sünder se-
lig zu machen. Vnd wie jr teglichs seuffzen
war / DERRN in deine hende befehllich mei-
nen Geist / Du hast mich erlöst / du trewer
Gott. Item / Christus ist mein leben / Ster-
ben ist mein gewin.

Also in zunementen Kranckheit / schrie
jr Gott durch seinen Geist gleichsam zu / vnd
hett sie ein hertzliche freud / ob den Worten /
Dabac.

Dabac. 2. Sey getrost vnd vnnerzagt / harre
des **HERREN** / er wird gewislich komen / vnd
nicht aussen bleiben. Darauff sie dann auch
schlosse: Wolan / ich wil des **HERREN** mit
gedult abwarten / getrost / vnd vnuerzagt /
HERREN Ihesu Christe / kome mir armen Sün-
derin zu trost / vnd hilff.

Das hertzliche Gebet / des Herrn D.
Liberi Gottseligen / **HERREN** Ihesu Christ /
war Mensch vnd Gott / etc. Item / das schöne
Gesenglin: Gott ist mein Liecht / vnd mein Sel-
igkeit / etc. widerholet sie vielmal.

Item / Allein nach dir **HERREN** Ihesu
Christ verlanget mich / Dieweil ich leb allhier
vff dieser Erden / Hoffens gewis / Der Himel
sol mir werden. Vnd sonderlich repetirt sie dies
se wort offtmals fur freuden / vnd hertzlichen
verlangen weinende: Den du erworben mit
deinem Blute / Am Crentz gestorben mir zu gu-
te / O du Lamb Gottes / erhör mein hertzliches
flehen / etc.

Wch hat sie die letzte Wochen fur irem
ende von mir selbs begert / Ich wolte vff der
Cantzel / nur fur sie vmb ein seligs ende bitten /
vnd nicht mehr vmb verlengerung ires lebens /
Denn jr einiger wunsch wer / vffgelöst zu wer-
den / vnd bey irem **HERREN** Christo zu sein .
Do sie nu zugleich gebeten / wenn sie Gott auff-
lösen würde / wie sie nicht zweuelte / ich wolt jr
die Reichpredigt thun / vnd ires Glaubens zeu-
gnis geben / Welchs ich jr gern hab zugesagt /

L iij wiewol

wiewol so es Gottes will gewesen / sie jren
Kindlin vnd Hauswirt / viel lieber wolt lenger
gegünnet habē / Doch hab ich Gott gedanckt /
das in diesem meinen schweren Ampt / zur er-
sten Reichpredigt / mir ein solche freudige Chris-
ten bescheret gewesen ist / die billig allen Christ-
lichen Weibesbildern / in dem zum Ehrenbild
gerühmet wird.

Den nechsten Freitag vor jrem abschied /
hat sie nach jrem Sterbkittel / darzu sie selbs
wol bedachtsam / Leinwand aus dem Kram
hat holen lassen / gefragt / ob er fertig / vnd in
begert zu sehen / Vnd als sie in vffs Bett beko-
men / hat sie in mit freuden also empfangen: Ey
wie ein liebes Kleid bistu mir.

Endlich hat sie jr leben geschlossen / mit
erzelung der fünff Heubtstück vnser heiligen
Catechismi / Vnd eben als sie vff die einsetzung
des heiligen Abendmals des D^Errn komen /
vnd die wort recitirt: Vnser D^Err Ihesus
Christus / in der Nacht / da er verrhaten ward /
etc. ist sie darin / als in dem Sigel jres Glau-
bens / welchen sie mit vns / aus jrem lieben
Kleinen Catechismo / des tewren Mans Gottes
Lutheri / Christmilder gedechtnis / einfeltiglich
gefasst / vnd behalten / seliglich eingeschlaffen /
Vnd demnach nu mehr das ende desselbigen
jres Glaubens an Christum gewislich erreicht /
nemlich die ewige Freude vnd seligkeit / darin sie
vnser aller mit frölichem Geist erwartet.

Darzu

DArzu helffe mir / vnd euch allen / semp-
lich vnd sonderlich / in ernster Busse / vnd beke-
rung vnfers lebens / vnd in rechtem / bestendi-
gen / hertzlichen Glauben / vnd vertrauen an
Christum Ihesum / die heilige Dreifaltigkeit /
Gott Vater / Gott Son / vnd Gott Heiliger
Geist / gelobet / vnd gepreist / von nu an / bis zu
ewigen zeiten :

Amen / Amen / es werde war /
Ab WERK Gott / sterck vnfern Glauben
imerdar /


Auff das wir ja nicht zweueln dran /
Was wir hiemit gebeten han /
Auff dein Wort in dem Namen dein /
So sprechen wir das Amen fein.

§ J N J S.



Faint, illegible text in a Gothic script, likely bleed-through from the reverse side of the page.

Second block of faint, illegible text in a Gothic script, also likely bleed-through.



No 2130.


8


X 220749

Sb.

WOM

mt.





B.I.G.

Farbkarte #13

Christliche
Trostvermanung / aus dem XIII.
Cap. der Offenbarung Johannis/
Vey dem Begrebnis /

Weiland der Erbarn / vnd Tu-
gentsamen Frayen HEVA / des Achebarn
vnd Wolgelarten Ern M. Johannis Bottichers/
der Stad Zerbst Syndici / geliebten /
Gottseligen Haus Ehren.

Geschehen in der Pfarckirchen
daselbst / zu S. Niclas / den XXIII. No-
uemb. Anno CHRISTI,
1 5 7 3.

Durch
M. Wolphgangum Amlingum/
Pfarherr des orts.

Witteberg/
Gedruckt durch Lorenz
Schwenck.

M. D. LXXIIII.

